



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvirgensis

Continens Primordia Christianæ Religionis Per Boiariam Et Loca quædam vicina; Catalogum videlicet & ordinariam successionem Archiepiscoporum Salisburgensium, & Coëpiscoporum, Frisingensium, Ratisponensium, Patauiensium, ac Brixinensium

Hund, Wiguleus

Monachii, 1620

Sequuntur Diplomata trium Ottonum Imperatorum.

urn:nbn:de:hbz:466:1-13553

antillite missam cantante, sic expurgatur. Ante communionem is versus ad populum, quæ merita eius fuerint circumstantib. edixit. Hoc inquit, delictum quo diffamata fuit, si hæc vñquam commisit, faciat omnipotens pater filij suimet corporis & sanguinis salutare remedium mihi prouenire ad iudicium, & ad debitam damnationem, animæque eius ad perpetuam saluationem. At tunc cum mentis ac corporis innocentia sum sit vnicum cunctis fidelibus remedium. Credititque populus quamuis sero & cum detractioe iniusta plus ei profuit quam nocere studuit.

Nescio vnde nugæ eiusmodi conquisiuerit Auentinus, nisi rectius quis æstimet, eas ex effrena ipsiusmet Auentini Episcopi & Principes personas criminandi libidine originem traxisse. Eiusdem farina sunt ea, quæ (Boic. R. V. p. 546.) de Henrico Augustano Episcopo. & Agnete Augusta commemorat. verum relinquamus hæc. quib. mendacia & falsæ suspiciones sunt curæ.

Sequuntur Diplomata trium Ottonum Imperatorum.

IN nomine sancte & indiuidue trinitatis. Otto diuina fauente clementia Imperator Augustus. Nouerint omnes nostri fideles presentes scilicet & futuri qualiter nos per interuentum dilectæ coniugis nostre Adalhadis nec non equitoci nostri quasdam res nostri iuris sitas in comitatu Taruisiano haud longè à fluuio vallatus & in loco qui dicitur Chuuio qui situs est prope litus brente qui fuit Isaac Iudeo traditus à Witperto & in loco qui dicitur piscatorijs & Vincentino comitatu in circuitu Gudage vltra tria miliaria & in vtraque ripa brente ius Macelli & in eius finibus que inter istos designatos fines iacent que appellantur, deinde terminante in aqua que dicitur Musone, deinde terminante diso & deinde terminante in literno vnde Silus resurgit & de ipsa nominata supra curte gudago terminante & in restio inter istos designatos fines cum pratis, pascuis, vijs & inuijs, exitibus & redditibus, fontibus, aquis, aquarumque decursibus, piscationibus, molendinis, siluis, paludibus, omnibusque rebus iuste legitimeque ad eandem curtem respicientibus, questis & inquirendis, ad seruicium sancti Candidi ad inticam magnitudinem nobis satis cari episcopi, Abraham appellati ob remedium anime nostre tradimus. Eo scilicet tenore vt isdem iam dictus episcopus vsque ad obitum sui absque contradictione omnium totum & integrum teneat atque possideat. Postea vero seruicio sancti reintegratum perpetim ibi permanfurum ad inticam redeat atque respiciat, & vt hec nostri Iuris donatio firma stabilisque perseueret hanc cartam conscribi ac sigilli nostri impressione subsignari iussimus. Signum Domini Ottonis inuictissimi Imperatoris Augusti. Lutolfus Cancellarius vice Hattonis archicappellani subscripsi. Data V. Kal. Iunij Anno incarnationis dominice DCCCCLXXII. Indiæ. XV. anno regni XXX. Imperij autem VIII. actum in pruilio Papie.

leg. Inticam

IN nomine sancte & indiuidue trinitatis. Otto diuina fauente clementia Imperator Augustus. Nouerit omnis industria fidelium nostrorum tam presentium quam & futurorum. Qualiter Frising. ecclesie episcopus nostram adiit celsitudinem proclamans se quedam loca in medio horum comitarum constituta que vulgo vocatur pruscha, Lurna, catubria, iniuste & illegitime à præfata Frisingen. ecclesia subtracta. Nos vero per interuentum dilectæ matris nostre Adalhadis & nostri nepotis ducis Henrici suis petitionibus consentientes & quicquid inter hos tres titulos comitatus proprietatis habuimus hoc est vbi ingreditur fluuius pudio Roinzun ex eo loco sursum quæcunque adiacent iurumque